


Juan 1:1, 3-5, 9-10, 14 (APSD)

Ang Pulong mao ang Dios... Anaa kaniya ang kinabuhi ug kini nga kinabuhi ang suga nga naghatag ug kahayag sa mga tawo... Ang Pulong nagpakatawo ug nakig-uban kanato

Sa sinugdanan, anaa na ang Pulong. Ang Pulong kauban sa Dios, ug ang Pulong mao ang Dios. ... Pinaagi kaniya, gibuhat ang tanang mga butang, ug wala gayoy nahimo nga dili pinaagi kaniya. Anaa kaniya ang kinabuhi ug kini nga kinabuhi ang suga nga naghatag ug kahayag sa mga tawo. Kini nga suga mao ang iwag diha sa kangitngit, ug dili gayod kini malupig sa kangitngit. ... Ang tinuod nga suga nga naghatag ug kahayag sa tanang tawo mianhi dinhi sa kalibotan. Mianhi siya sa kalibotan, apan bisan ug gihimo ang kalibotan pinaagi kaniya, ang mga tawo sa kalibotan wala moila kaniya. ... Ang Pulong nagpakatawo ug nakig-uban kanato. Nakita namo ang iyang himaya ingon nga bugtong Anak sa Amahan. Maluloy-on gayod siya ug pulos kamatuoran ang iyang gipanulti.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Gipalabi pa sa mga tawo ang pagpabilin sa kangitngit... ang tawo nga nagbuhat sumala sa kamatuoran nagpaduol sa kahayag

Busa si bisan kinsa nga motuo kaniya dili hukman sa silot, apan si bisan kinsa nga wala motuo kaniya nahukman na tungod kay wala siya motuo sa bugtong nga Anak sa Dios. Silotan sila tungod kay mianhi siya dinhi sa kalibotan isip suga, apan gipalabi pa sa mga tawo ang pagpabilin sa kangitngit kaysa moduol kaniya nga naghatag sa kahayag, tungod kay daotan ang ilang binuhatan. Ang tawo nga daotan ug binuhatan dili gusto sa kahayag. Maglikay pa gani siya sa kahayag kay mahadlok siya nga mabutyag ang iyang daotang binuhatan. Apan ang tawo nga nagbuhat sumala sa kamatuoran nagpaduol sa kahayag, aron mabutyag nga ang iyang maayong binuhatan nahimo niya pinaagi sa tabang sa Dios.



Juan 8:12, 24, 31-32, 34, 36 (APSD)

**Kon magpadayon kamo sa
pagtuman sa akong mga gitudlo...
ang kamatuoran mao ang
maghatag kaninyo ug kagawasan...
si bisan kinsa nga nagpakasala,
ulipon sa sala... kon ang Anak sa
Dios mao ang maghatag kaninyo ug
kagawasan, gawasnon gayod kamo**

Misulti pag-usab si Jesus sa mga tawo, "Ako ang suga sa mga tawo sa kalibotan. Ang nagsunod kanako, dili gayod magkinabuhi diha sa kangitngit, kondili mahayagan siya sa suga nga naghatag ug kinabuhi." ... Mao nga miingon ako kaninyo nga mangamatay lang kamo nga nagpadayon sa pagpakasala. Kay kon dili kamo motuo nga ako mao ang Cristo, sigurado gayod nga mangamatay lang kamo nga nagpadayon sa pagpakasala." ... Unya, miingon si Jesus sa mga Judio nga mituo kaniya, "Kon magpadayon kamo sa pagtuman sa akong mga gitudlo, tinuod gayod nga kamo akong mga tinun-an. Masayran ninyo ang kamatuoran, ug ang kamatuoran mao ang maghatag kaninyo ug kagawasan." ... Miingon si Jesus, "Sa pagkatinuod, sultihan ko kamo nga si bisan kinsa nga nagpakasala, ulipon sa sala. ... Busa kon ang Anak sa Dios mao ang maghatag kaninyo ug kagawasan, gawasnon gayod kamo."

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Juan 15:7, 9, 11-14, 16 (APSD)

Malipay usab kamo sama kanako... paghigugmaay kamo sama sa akong paghigugma kaninyo... Kon adunay tawo nga magpakamatay alang sa iyang mga higala, kana nga paghigugma dili na gayod malabwan

Kon magpabilin kamo kanako ug tipigan ninyo sa inyong mga kasing-kasing ang akong mga pulong, makapangayo kamo kanako bisan unsa nga inyong gusto, ug madawat ninyo kini. ... “Kon unsa ang paghigugma sa Amahan kanako mao usab ang akong paghigugma kaninyo. Pabilin kamo sa akong gugma. ... “Gisulti ko kini kaninyo aron malipay usab kamo sama kanako, ug mahimong hingpit gayod ang inyong kalipay. Mao kini ang akong sugo: paghigugmaay kamo sama sa akong paghigugma kaninyo. Kon adunay tawo nga magpakamatay alang sa iyang mga higala, kana nga paghigugma dili na gayod malabwan. Mga higala ko kamo kon tumanon ninyo ang akong mga sugo. ... Dili kamo ang nagpili kanako kondili ako ang nagpili kaninyo. Gipili ko kamo aron manglakaw ug mamunga sa mga bunga nga molungtad; aron nga bisan unsa ang inyong pangayoon sa Amahan pinaagi sa akong ngalan ihatag niya kaninyo.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Si bisan kinsa nga nagkinabuhi ug nagtuo kanako dili na mamatay bisan kanus-a... Motuo ka ba niini?

Miingon si Jesus kaniya, “Ako ang nagbanhaw sa mga patay, ug ako usab ang naghatag ug kinabuhi. Ang nagtuo kanako, bisan mamatay pa siya, mabuhi pag-usab. Si bisan kinsa nga nagkinabuhi ug nagtuo kanako dili na mamatay bisan kanus-a. Motuo ka ba niini?” ... Miingon si Jesus kaniya, “Dili ba nga miingon man ako kanimo nga kon motuo ka, makita mo ang gahom sa Dios?” Busa gikuha nila ang bato. Mihangad si Jesus sa langit ug miingon, “Amahan nagpasalamat ako kanimo tungod kay gipaminawan mo ako. Nasayod ako nga kanunay ka nga nagpaminaw kanako, apan gisulti ko kini alang sa mga tawo nga ania karon nag-alirong kanako, aron motuo sila nga ikaw mao ang nagpadala kanako dinhi sa kalibotan.” Human niyag sulti niini, misinggit siya, “Lazaro, gawas ngari!”



Ang tawo nga hilabihan ang paghigugma sa iyang kinabuhi kawad-an hinuon niini... Si bisan kinsa nga buot mag-alagad kanako kinahanglan mosunod kanako

Miingon dayon si Jesus kanila, “Karon miabot na ang higayon nga mapasidunggan ang Anak sa Tawo. Sultihan ko kamo sa tinuod, kon ang usa ka binhi dili ilubong sa yuta, kana magpabilin lang gayod nga usa ka binhi. Apan kon mamatay, motubo kini ug mamungag daghan. Ang tawo nga hilabihan ang paghigugma sa iyang kinabuhi kawad-an hinuon niini, apan ang dili manghinugon sa iyang kinabuhi diri sa kalibotan maampingan hinuon kini hangtod sa kinabuhi nga walay kataposan. Si bisan kinsa nga buot mag-alagad kanako kinahanglan mosunod kanako, aron nga kon asa ako atua usab ang akong sulugoon. Ang tawo nga nag-alagad kanako pasidunggan sa Amahan.”



Juan 14:15, 18-19, 21; 10:27-30 (APSD)

Dili ko kamo biyaan nga walay kauban... tungod kay ako buhi man, mabuhi usab kamo... Ang akong mga karnero maminaw kanako

“Kon gihigugma ninyo ako, tumana ninyo ang akong mga sugo. ... “Dili ko kamo biyaan nga walay kauban; mobalik ako diha kaninyo. Hapit na ako mawala sa panan-aw sa mga tawo dinhi sa kalibotan, apan kamo makakita kanako. Ug tungod kay ako buhi man, mabuhi usab kamo. ... “Ang nagdawat ug nagtuman sa akong mga sugo mao ang naghigugma kanako. Ug ang naghigugma kanako higugmaon usab sa akong Amahan. Higugmaon ko usab siya ug ipaila ko kaniya kon kinsa gayod ako.” ... Ang akong mga karnero maminaw kanako. Nakaila ako kanila ug nagsunod sila kanako. Gihatagan ko silag kinabuhi nga walay kataposan, ug dili gayod sila mawala. Walay makaagaw kanila gikan sa akong mga kamot. Gihatag sila kanako sa akong Amahan nga gamhanan sa tanan, ug wala gayoy makaagaw kanila gikan sa kamot sa Amahan. Ako ug ang Amahan usa lang.”

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Juan 16:22, 27, 31-33 (APSD)

Paantuson kamo sa mga tawo sa kalibotan, apan ayaw kamo kahadlok tungod kay gidaog ko na ang gahom sa kalibotan

Kamo sama usab niana. Karon naguol kamo, apan magpakita pa ako pag-usab kaninyo ug labihan gayod unya ang inyong kalipay. Ug wala gayoy bisan kinsa nga makaagaw niana nga kalipay. ... Kay ang Amahan mismo naghigugma man kaninyo tungod kay naghigugma kamo kanako, ug nagtuo nga ako gikan sa Dios. ... Misulti si Jesus kanila, “Karon nagtuo na ba kamo kanako? Apan moabot ang panahon ug karon gani miabot na nga kamo magkatibulaag ug mamauli, ug biyaan ninyo ako nga mag-inusara. Apan bisan biyaan ninyo ako aduna gihapon akoy kauban, tungod kay kauban ko ang Amahan. “Gisulti ko kining mga butanga kaninyo aron aduna kamoy kalinaw tungod sa inyong pagtuo kanako. Paantuson kamo sa mga tawo sa kalibotan, apan ayaw kamo kahadlok tungod kay gidaog ko na ang gahom sa kalibotan.”

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.




Juan 17:17-21, 26 (APSD)

Ilain sila aron mahimong imo pinaagi sa kamatuoran; ang imong pulong mao ang kamatuoran... ang imong paghigugma kanako maanaa kanila, ug ako usab maanaa kanila

Ilain sila aron mahimong imo pinaagi sa kamatuoran; ang imong pulong mao ang kamatuoran. Ingon nga ako gipadala mo dinhi sa kalibotan, gipadala ko usab sila sa kalibotan. Tungod kanila gihalad ko kanimo ang akong kaugalingon, aron mahimong imo usab sila pinaagi sa kamatuoran. “Ang akong ginaampo dili lang alang kanila, apan alang usab niadtong mga motuo kanako pinaagi sa ilang mga pagtudlo. Nag-ampo ako kanimo nga silang tanan mahiusa, sama nga ikaw ug ako usa lang. Ug ingon nga ikaw, Amahan, ania kanako ug ako anaa kanimo, hinaut nga ania usab sila kanato, aron nga ang mga tawo sa kalibotan motuo nga ikaw ang nagpadala kanako. ... Gipaila ka nako kanila, ug ipaila ko pa gayod ikaw, aron ang imong paghigugma kanako maanaa kanila, ug ako usab maanaa kanila.”

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Nganong nangahadlok man kamo? Wala pa ba kamoy pagtuo kanako?

Apan si Jesus didto sa ulin sa sakayan natulog nga nag-unlan. Gipukaw nila siya. Miingon sila, “Magtutudlo, wala ka ba mabalaka nga malunod na kita?” Busa mibangon siya ug gimandoan niya ang hangin ug ang mga balod, “Hunong!” Ug mihunong ang hangin ug milinaw ang dagat. Ug miingon si Jesus kanila, “Nganong nangahadlok man kamo? Wala pa ba kamoy pagtuo kanako?”



Pagtukaw kamo ug pag-ampo nga dili kamo madaog sa pagsulay... Buot sa inyong espiritu nga mag-ampo apan luya ang inyong lawas

Nag-ampo siya, “Abba, Amahan, ang tanan nga butang mahimo mo. Busa ayaw ipadangat kining umaabot nako nga pag-antos. Apan dili ang akong pagbuot ang angay matuman kondili ang imong kabubut-on.” ... Pagtukaw kamo ug pag-ampo nga dili kamo madaog sa pagsulay. Buot sa inyong espiritu nga mag-ampo apan luya ang inyong lawas.” ... Wala gayod motubag si Jesus. Busa gipangutana siya pag-usab sa pangulong pari, “Ikaw ba ang Mesiya nga Anak sa Dalaygon nga Dios?” Mitubag si Jesus kaniya, “Oo, ako mao siya, ug makita unya ninyo ang Anak sa Tawo nga maglingkod sa tuo sa Makagagahom nga Dios, ug makita usab ninyo siya diha sa mga panganod sa kalangitan sa iya unyang pagbalik dinhi sa kalibotan.”



Kasaligan ang Dios sa iyang saad nga dili niya tugotan nga sulayan kamo labaw sa inyong maantos

Kadtong mga nahitabo kanila nagpasidaan kanato aron dili kita magtinguha sa pagbuhat ug mga daotan sama sa ilang gibuhad. ... Ug dili gayod kita makighilawas gawas sa kaminyoon, sama sa gibuhad sa uban kanila. Tungod niini nangamatay ang 23,000 kanila sa usa lang ka adlaw. ... Walay pagsulay nga moabot kaninyo nga wala usab naabot sa ubang mga tawo. Apan kasaligan ang Dios sa iyang saad nga dili niya tugotan nga sulayan kamo labaw sa inyong maantos. Ug kon moabot ang mga pagsulay kaninyo, maghatag siyag pamaagi aron maantos ninyo kini.



1 Mga Taga-Corinto 3:1, 3, 16-17 (APSD)

Gasinahay kamo ug nanggiaway... Dili ba templo man kamo sa Dios ug ang Espiritu nagpuyo diha kaninyo?... ang templo sa Dios balaan

Mga igsoon, kaniadto dili ako makatudlo kaninyo ingon nga mga tawo nga gitultolan sa Espiritu kondili ingon nga mga tawo nga nagkinabuhi sa tawhanon nga kinaiya ug bata pa sa pagtuo kang Cristo. ... Kay hangtod karon, nagkinabuhi pa kamo sa inyong tawhanon nga kinaiya tungod kay gasinahay kamo ug nanggiaway. Kining inyong gibuhat nagpamatuod lang nga sama pa gihapon kamo sa mga tawo niining kalibotana. ... Dili ba templo man kamo sa Dios ug ang Espiritu nagpuyo diha kaninyo? Busa kon gub-on ninyo ang puloy-anan sa Dios, silotan niya kamo tungod kay ang templo sa Dios balaan. Ug kana nga templo walay lain kondili kamo mismo.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Nahinloan na kamo sa inyong mga sala, gigahin na kamo sa Dios nga mahimong iya, ug gipakamatarong na tungod kang Ginoong Jesu-Cristo

Dili ba nga ang tawo nga nagbuhat ug daotan dili makapanunod sa gingharian sa Dios? Busa ayaw ninyo limbongi ang inyong kaugalingon! Ang mga makighilawas gawas sa kaminyoon, ang mga nagsimba sa mga dios-dios, ang mga mananapaw, ang mga lalaki nga nagbaligya sa ilang dungog, ang mga lalaki nga makighilawas sa sama nilang lalaki, ang mga kawatan, ang mga hakog, ang mga palahubog, ang mga mapasipalahon, ug ang mga mangingilad, dili gayod makapanunod sa gingharian sa Dios. Ang uban kaninyo sama niini kaniadto. Apan nahinloan na kamo sa inyong mga sala, gigahin na kamo sa Dios nga mahimong iya, ug gipakamatarong na tungod kang Ginoong Jesu-Cristo ug tungod sa Espiritu sa atong Dios. Tingali adunay moingon, “Mahimo ko ang pagbuhat sa bisan unsa.” Tinuod kana, apan dili tanan makaayo. Bisan kon tugotan ako sa pagbuhat sa bisan unsa, dili gayod ako magpaulipon sa bisan unsa. Tingali adunay moingon nga, “Ang pagkaon gibuhath alang sa tiyan ug ang tiyan gibuhath alang sa pagkaon.” Tinuod kana, apan moabot ang adlaw nga ang tiyan ug ang pagkaon walaon sa Dios. Apan dili tinuod nga ang lawas sa tawo gibuhath alang sa pagpakighilawas gawas sa kaminyoon, kondili gibuhath kini alang sa Ginoo; ug ang Ginoo mao ang nag-atiman niini.



Dalaygon gayod ang Dios ug Amahan ni Jesu-Cristo nga atong Ginoo... Gidasig niya kita sa tanan natong mga kalisdanan

Dalaygon gayod ang Dios ug Amahan ni Jesu-Cristo nga atong Ginoo. Maluloy-on siya nga Amahan, ug Dios siya nga kanunayng gadasig kanato. Gidasig niya kita sa tanan natong mga kalisdanan, aron nga pinaagi sa pagdasig niya kanato madasig usab nato ang uban nga anaa sa kalisdanan. ... Mga igsoon, gusto namo nga masayod kamo nga lisod kaayo ang among nasinati didto sa probinsya sa Asia. Kay murag dili na gayod kami makaantos niadtong panahona, ug daw ikamatay na namo. Nakaingon kami nga mao na kadto ang among kataposan. Apan nahitabo diay kadto aron makatuon kami nga dili magsalig sa among kaugalingon, kondili sa Dios nga mao ang nagbanhaw sa mga patay.



2 Mga Taga-Corinto 4:6-7; 1:12 (APSD)

**Naghatag ug kahayag sa
among huna-huna... sama lang
kami sa kolon nga gisudlan
niini aron masayran sa mga
tawo nga ang gahom nga dili
matupngan gikan sa Dios, ug
dili gikan kanamo**

Ang Dios nga nag-ingon, “Gikan sa kangitngit
modan-ag ang kahayag,” mao usab ang naghatag ug
kahayag sa among huna-huna aron masabtan namo
kon unsa ang gahom nga iyang gipakita pinaagi kang
Jesu-Cristo. Ania kanamo ang mahalon nga butang
nga gikan sa Dios apan sama lang kami sa kolon nga
gisudlan niini aron masayran sa mga tawo nga ang
gahom nga dili matupngan gikan sa Dios, ug dili
gikan kanamo. ... Mao kini ang among ikapasigarbo:
nagkinabuhi kami nga matarong ug wala gayoy
ikasaway sa among pagtagad ngadto sa mga tawo,
ug labi na gayod kaninyo. Nahimo namo kini tungod
sa tabang sa Dios ug dili sa among kaugalingon nga
kaalam. Gipamatud-an sa among konsensya nga
tinuod gayod kining among gipasigarbo.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Namatay ako kauban ni Cristo sa krus... ang resulta sa akong pagtuo sa Anak sa Dios nga nahigugma kanako

Apan kon balikan ko pag-usab ang pagsalig sa Kasugoan nga akong gibiyaan, ako na ang nagpamatuod nga makasasala ako tungod kay gilapas ko ang Kasugoan. Ang tinuod, pinaagi sa Kasugoan nasayran ko nga dili nako maangkon ang pagkamatarong pinaagi sa akong pagtinguha sa pagsunod niini. Ug karon nga dili na ako ilalom sa Kasugoan, gawasnon na ako nga magkinabuhi sa Dios. Sama nga namatay ako kauban ni Cristo sa krus. Dili na ako ang nagkinabuhi karon, kondili si Cristo na ang nagkinabuhi kanako. Ug kining kinabuhi nga akong ginakinabuhi karon mao ang resulta sa akong pagtuo sa Anak sa Dios nga nahigugma kanako ug naghilad sa iyang kinabuhi alang kanako. Wala ko gipakawalay pulos ang grasya sa Dios. Kay kon ang pagtuman sa Kasugoan mao ang pamaagi nga pakamatarungan sa Dios ang tawo, nan walay kapuslanan ang kamatayon ni Cristo.



Mga Taga-Galacia 6:1-2, 7-9 (APSD)

Pagtinabangay kamo sa inyong mga problema... Walay tawo nga makalimbong sa Dios... kon unsa ang gipugas sa tawo mao usab ang iyang anihon

Karon, mga igsoon ko diha kang Cristo, kon adunay usa kaninyo nga nahulog sa pagpakasala, kamo nga ginatultolan sa Espiritu angay motabang kaniya aron mahibalik siya sa husto nga pagkinabuhi. Apan kinahanglan buhaton ninyo kini sa malumo nga pamaagi. Ug pagbantay usab kamo sa inyong kaugalingon kay basin kon kamo makasala usab. Pagtinabangay kamo sa inyong mga problema. Tungod kay kon mao kini ang inyong buhaton matuman ninyo ang sugo ni Cristo. ... Ayaw ninyo limbongi ang inyong kaugalingon. Walay tawo nga makalimbong sa Dios. Kay kon unsa ang gipugas sa tawo mao usab ang iyang anihon. Kon sundon nato ang atong kaugalingong gusto, madawat nato ang silot nga walay kataposan. Apan kon sundon nato ang gusto sa Espiritu, madawat nato gikan kaniya ang kinabuhi nga walay kataposan. Busa dili kita angayng pul-an sa pagbuhat ug maayo, kay kon magpadayon kita, moabot gayod ang panahon nga madawat nato ang ganti.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Bansaya ang imong kaugalingon sa diosnon nga pagkinabuhi... naglaom kita sa buhi nga Dios

Maayo ka nga alagad ni Cristo Jesus kon itudlo mo kini diha sa atong mga igsoon. Ug samtang nagtudlo ka kanila, mamatuto mo usab ang imong kaugalingon pinaagi sa mga kamatuoran mahitungod sa atong pagtuo, ug sa tinuod nga pagtulon-an nga imong gisunod. Apan likayi ang mga pagtulon-an nga wala maggikan sa Dios kay kana binuhat-buhat lang sa mga tawo. Bansaya ang imong kaugalingon sa diosnon nga pagkinabuhi. Adunay kapuslanan ang pagpaugnat sa kusog, apan mas mahinungdanon gayod nga bansayon nato ang atong kaugalingon diha sa espirituhanon nga mga butang, tungod kay kon mao kini ang atong buhaton, magmapuslanon gayod ang atong kinabuhi karon ug sa umaabot. ... Mao kanay hinungdan nga manlimbasog gayod kita ug maningkamot, tungod kay naglaom kita sa buhi nga Dios nga mao ang Manluluwas sa tanang mga tawo, labi na gayod niadtong mga nagtuo.

Spiritual Warfare Cards.com




1 Timoteo 6:11-16 (APSD)

Buhata gayod ang imong mahimo tungod ug alang sa imong pagtuo sa Dios. Niana madawat mo ang kinabuhi nga walay kataposan... tumana ang gibilin kanimo nga sugo ug siguroha nga husto gayod ang imong pagtuman, nga walay ikasaway kanimo

Apan ikaw, isip alagad sa Dios, likayi kanang mga butanga. Paningkamoti ang pagkinabuhi nga matarong ug diosnon. Tun-i ang husto nga pagtuo ug paghigugma. Magmainantuson ka ug magmalumo ngadto sa imong isigka-tawo. Sama sa lumba, buhata gayod ang imong mahimo tungod ug alang sa imong pagtuo sa Dios. Niana madawat mo ang kinabuhi nga walay kataposan, kay nianang kinabuhia gitawag ka sa Dios sa dihang gisugilon mo atubangan sa daghang mga tawo nga ikaw nagtuo na kang Cristo. Sa atubangan sa Dios nga naghatag sa kinabuhi sa tanan, ug sa atubangan ni Cristo Jesus nga nagsugilon sa kamatuoran ngadto kang Poncio Pilato, ania ang akong pahimangno kanimo: tumana ang gibilin kanimo nga sugo ug siguroha nga husto gayod ang imong pagtuman, nga walay ikasaway kanimo hangtod moabot ang atong Ginoong Jesu-Cristo. Kon moabot na ang gitakdang panahon, ang Dios nga makagagahom ug bulahan mao ang mopadayag kaniya. Ang Dios mao ang Hari nga labaw sa tanang mga hari ug Ginoo nga labaw sa tanang mga ginoo. Kaniya lang ang kinabuhi nga walay kamatayon. Didto siya nagpuyo sa masulaw nga kasanag nga dili maduolan. Wala gayoy tawo nga nakakita kaniya ug wala gayoy makakita. Dayegon ta ang Dios nga makagagahom sa walay kataposan. Amen!


Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Ang Dios wala maghatag kanato sa iyang Espiritu aron maulaw kita sa pag-atubang sa mga tawo, kondili aron sa paglig-on kanato ug pagtabang nga mahigugma kita sa uban ug makapugong sa atong kaugalingon

Mao kana nga gusto ka nako nga pahinumdoman nga magmakugihon ka sa paggamit sa hiyas nga gihatag sa Dios kanimo sa dihang gipandong ko sa imong ulo ang akong mga kamot. Kay ang Dios wala maghatag kanato sa iyang Espiritu aron maulaw kita sa pag-atubang sa mga tawo, kondili aron sa paglig-on kanato ug pagtabang nga mahigugma kita sa uban ug makapugong sa atong kaugalingon. Busa ayawg kaulaw sa pagsugilon sa uban mahitungod sa atong Ginoo. Ug ayaw usab ikaulaw nga napriso ako dinhi tungod sa pagpamatuod ko mahitungod kaniya. Hinuon pakig-ambit sa mga pag-antos tungod sa Maayong Balita pinaagi sa tabang sa gahom sa Dios. ... Mao kini ang hinungdan nga nag-antos ako karon. Apan wala ko ikaulaw kining nahitabo kanako tungod kay nailhan ko si Cristo nga akong ginasaligan, ug nasiguro ko gayod nga makahimo siya sa pagbantay sa iyang gitugyan kanako hangtod sa adlaw nga siya mobalik.



1 Timoteo 1:3-5; 6:20-21 (APSD)

Ampingi ang mga pagtulon-an nga gitugyan kanimo sa Dios... Likayi ang mga pagtulon-an nga walay pulos ug wala maggikan sa Dios

Buot ko nga kon mahimo diha ka lang una sa Efeso. Dili ba mao man kini ang akong gihangyo kanimo sa dihang nagpadulong ako ngadto sa Macedonia? Kay adunay mga tawo diha nga sayop ang gitudlo ug kinahanglan nga paundangon nimo sila. Ingna sila nga dili sila mag-usik sa ilang panahon diha sa mga tinumo-tumong sugilanon sa mga katigulangan ug sa pagsubay kon kinsa ang ilang mga kagikan. Mao kini ang hinungdan kon nganong naglantugi ang mga tawo, ug dili kini makatabang sa paghibalo sa plano sa Dios. Kini masayran lang nato pinaagi sa pagtuo. Ang katuyoan niining akong sugo kanila mao nga maghigugmaay sila. Ug kini mahimo lang nila kon limpyo ang ilang kasing-kasing ug konsensya ug tinuoray ang ilang pagtuo. ... Timoteo, ampingi ang mga pagtulon-an nga gitugyan kanimo sa Dios. Likayi ang mga pagtulon-an nga walay pulos ug wala maggikan sa Dios, bisan ang mga panaglalis mahitungod sa giingon sa uban nga kaalam apan dili tinuod. Apan tungod sa ilang giingon nga “kaalam,” ang ubang mga tawo nahisalaag sila gikan sa husto nga pagtuo. Hinaut nga ang grasya sa Dios maanaa kaninyong tanan.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Santiago 1:1-5 (APSD)

Ang mga pagsulay sa inyong pagtuo mamunga ug pagkamainantuson... Kon aduna kaninyoy kulang sa kaalam, mangayo siya sa Dios

Ako si Santiago nga alagad sa Dios ug ni Ginoong Jesu-Cristo. Nangumusta ako kaninyong tanan nga katawhan sa Dios nga nagkatibulaag sa tibuok kalibotan. Mga kaigsoonan ko kang Cristo, pagmalipayon kamo kon moabot kaninyo ang nagkalain-lain nga mga pagsulay. Kay nasayod kamo nga ang mga pagsulay sa inyong pagtuo mamunga ug pagkamainantuson. Busa antosa ninyo ang tanang mga kalisdanan aron mahimo kamong matarong, hingpit, ug walay ikasaway diha kaninyo. Kon aduna kaninyoy kulang sa kaalam, mangayo siya sa Dios, ug ang Dios mohatag niini kaniya nga walay pagpugong-pugong ug pagpamuyboy.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Santiago 5:13-14, 16, 19-20 (APSD)

Pagsuginlanay kamo sa inyong mga sala ug pag-inampoay... magluwas sa kalag niadtong makasasala gikan sa silot nga kamatayon

Kon adunay nag-antos diha kaninyo kinahanglan mag-ampo siya sa Dios. Kon adunay malipayon, pakantaha siya ug mga pagdayeg ngadto sa Dios. Kon adunay magsakit kaninyo, magtawag siya sa mga kadagkoan sa iglesia aron mag-ampo sila alang kaniya ug dihogang siya ug lana sa ngalan sa Ginoo. ... Pagsuginlanay kamo sa inyong mga sala ug pag-inampoay aron mangaayo kamo. Kay dako ang mahimo sa pag-ampo sa tawo nga matarong. ... Mga igsoon ko, kon adunay usa kaninyo nga nagpalayo sa kamatuoran, ug adunay usa usab kaninyo nga mopabalik kaniya, angay ninyong masayran nga ang magpabalik sa makasasala gikan sa iyang daotan nga paggawi maoy magluwas sa kalag niadtong makasasala gikan sa silot nga kamatayon, ug mapasaylo ang daghang mga sala.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Santiago 3:2, 10, 12, 18, 17 (APSD)

**Kitang tanan makadaghan
masayop... kon aduna kitay
kaalam nga gikan sa Dios, una sa
tanan, putli ang atong kinabuhi,
ug unya maabi-abihon kita,
maaghop... wala kitay pinalabi ug
dili tigpakaaron-ingnon**

Tinuod nga kitang tanan makadaghan masayop. Apan ang tawo nga dili masayop sa iyang pagpanulti, hingpit siya ug makapugong sa iyang kaugalingon. ... Pagpasalamat ug pagpangdaot ang naggawas sa usa lang ka baba. Mga igsoon ko, dili kini angay mahitabo. ... Mga kaigsoonan, ang kahoy nga igos dili mahimong mamunga ug olibo, ug ang tanom nga ubas dili mahimong mamunga ug igos. Dili ka usab makakuha ug tubig nga tab-ang diha sa dagat. ... Ang tawo nga nagpugas ug kalinaw moani ug pagkamatarong ug maayo nga relasyon sa usag-usa. ... Apan kon aduna kitay kaalam nga gikan sa Dios, una sa tanan, putli ang atong kinabuhi, ug unya maabi-abihon kita, maaghop, maminaw sa katarungan, maluloy-on kaayo, maayo ang atong binuhatan, wala kitay pinalabi ug dili tigpakaaron-ingnon.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.




Judas 1:3-5, 22-23 (APSD)

Magmaisogon sa pagpakigbatok sa mga tawo nga buot motuis sa mga pagtulon-an mahitungod sa atong pagtuo... tuison nila ang tinuod nga mga pagtulon-an mahitungod sa grasya sa atong Dios aron makapatuyang sila sa pagbuhat ug malaw-ay

Mga hinigugma, gusto ko gayod unta nga magsulat kaninyo bahin sa kaluwasan nga atong giambitan, apan nahuna-hunaan ko nga mas kinahanglan gayod nga sulatan ko kamo ug nag-awhag nga magmaisogon sa pagpakigbatok sa mga tawo nga buot motuis sa mga pagtulon-an mahitungod sa atong pagtuo. Kini nga mga pagtulon-an walay pagkausab ug gihatag kini sa Dios sa mga tawo nga iyang gigahin. Sultian ko kamo niini tungod kay adunay mga tawo nga sa hilom miipon diha kaninyo. Dili sila diosnon ug tuison nila ang tinuod nga mga pagtulon-an mahitungod sa grasya sa atong Dios aron makapatuyang sila sa pagbuhat ug malaw-ay. Gilimod nila si Jesu-Cristo nga mao lamang ang atong Agalon ug Tag-iya. Nahisulat nang daan kaniadto pa nga kini sila silotan. Bisan nasayod na kamo, gusto ko pa gihapon kamong pahinumdoman nga giluwes sa Ginoo ang mga Israelita sa Ehipto, apan sa kaulahian gipamatay niya ang uban kanila tungod kay wala sila motuo kaniya. ... Kaloy-i ninyo ang mga nagduha-duha sa ilang mga pagtuo. Tabangi ninyo ang uban aron maluwas sila gikan sa silot, sama nga nagsakmit kamo sa usa ka butang nga hapit nang masunog. Kaloy-i ninyo bisan ang mga tawo nga daotan ug binuhatan, apan kapungti ninyo ang ilang mga binuhatan. Pagbantay kamo kay bisan gani ang ilang mga bisti hugaw atubangan sa Dios.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Exodo 24:7, 17; 32:23, 30, 34 (APSD)

Ang gamhanang presensya sa Ginoo ibabaw sa bukid daw sa nagdilaab nga kalayo

Unya gikuha niya ang Libro sa Kasabotan ug gibasa kini ngadto sa mga tawo. Ug mitubag ang mga tawo, “Tumanon namo ang tanang giingon sa Ginoo. Sundon namo siya.” ... Busa misulod si Moises sa panganod ug mitungas pa gayod siya ibabaw sa bukid. Nagpabilin siya didto sulod sa 40 ka adlaw ug 40 ka gabii. Sa panan-aw sa mga Israelinhon nga atua sa ubos, ang gamhanang presensya sa Ginoo ibabaw sa bukid daw sa nagdilaab nga kalayo. ...

Miingon sila kanako, ‘Himoi kamig dios nga mangulo kanamo, kay wala na kita masayod kon unsa nay nahitabo niadtong Moises nga nagpagawas kanato gikan sa Ehipto.’ ... Pagkasunod adlaw, miingon si Moises sa mga tawo, “Nakahimo kamog dakong sala. Apan motungas ako karon sa bukid, didto sa Ginoo; basin pag matabangan ko kamo nga mahinloan sa inyong sala.” ... Lakaw, ug pangulohi ang mga tawo paingon sa dapit nga giingon ko kanimo, ug mag-una kaninyo ang akong anghel. Apan moabot ang panahon nga silotan ko sila tungod sa ilang sala.”

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.




Josue 2:11; Mga Hebreohanon 11:31; Santiago 2:23, 25-26

Ang Ginoo nga Inyong Dios mao ang Dios sa langit ug sa yuta... ang pagtuo nga walay binuhatan, walay kapuslanan

Nahadlok kami sa dihang nadungog namo kini ug nawad-an ug kaisog ang matag-usa kanamo tungod kaninyo. Kay ang Ginoo nga inyong Dios mao ang Dios sa langit ug sa yuta. ... Tungod sa pagtuo, si Rahab nga nagbaligya sa iyang dungog wala mamatay uban sa mga taga-Jerico nga wala magtuman sa Dios, kay gidawat niya sa iyang balay ang mga espiya nga gisugo ni Josue. ... Napamatud-an ang giingon sa Kasulatan, “Mituo si Abraham sa Dios, ug tungod sa iyang pagtuo, giisip siya sa Dios nga matarong.” Gitawag pa gani siya nga higala sa Dios. ... Mao usab kini ang nahitabo kang Rahab nga nagbaligya sa iyang dungog. Gidawat niya ang mga espiya nga Israelinhon ug gitagoan sa iyang balay. Gitudloan pa niya sila sa laing agianan aron makaikyas sila. Busa tungod sa iyang gihimo gipakamatarong siya sa Dios. Ang lawas nga walay espiritu patay; mao usab ang pagtuo nga walay binuhatan, walay kapuslanan.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Dalaygon ang Ginoo! Gihatagan ka niya karong adlaw ug apo nga moatiman kanimo

Apan mitubag si Ruth, “Ayaw ako pugsa sa pagbiya kanimo, kay bisan asa ka moadto adto usab ako moadto, ug bisan asa ka mopuyo didto usab ako mopuyo. Ang imong mga katawhan mahimo usab nga akong mga katawhan, ug ang imong Dios mahimo usab nga akong Dios. Kon asa ka mamatay, didto usab ako mamatay ug didto usab ilubong. Hinaut pa nga silotan ako sa Ginoo sa hilabihan gayod kon mobiya ako kanimo. Kamatayon lang ang makapahimulag kanako gikan kanimo.” ... Miingon ang mga babaye kang Noemi, “Dalaygon ang Ginoo! Gihatagan ka niya karong adlaw ug apo nga moatiman kanimo. Hinaut nga mahimo siyang bantogan sa Israel! Pabaskogon ug atimanon ka niya kon tigulang ka na, kay anak siya sa imong umagad nga nagpangga gayod kanimo labaw pa sa pagpangga sa pito ka anak nga lalaki.”

Spiritual Warfare Cards.com



Gihadlok lang nila kami aron maundang ang among pagtrabaho... nag-ampo ako sa Dios nga lig-onon pa gayod niya ako

Sa dihang nabalitaan nila ni Sanbalat, Tobia, Geshem nga Arabo, ug sa uban pa namong mga kaaway nga nahuman na namo ang pag-ayo sa paril ug wala na kini mga bangag, gawas na lang sa mga ganghaan niini nga wala pa mataod, nagpadala si Sanbalat ug si Geshem niini nga mensahe kanako: “Gusto namo nga makigkita kanimo sa usa sa mga baryo sa patag sa Ono.” Apan nagplano silag daotan batok kanako. Busa nagpadala ako ug mga mensahero sa pag-ingon kanila: “Importante ang akong gitrabaho karon, busa dili ako makaanha diha. Dili mahimo nga undangan ko ang pagtrabaho aron lang moanha diha.” ... Mao kini ang akong tubag kaniya: “Walay kamatuoran kanang imong gipanulti. Tinumotumo mo lang kana.” Nasayod ako nga gihadlok lang nila kami aron maundang ang among pagtrabaho. Apan nag-ampo ako sa Dios nga lig-onon pa gayod niya ako.




Mga Salmo 2:1-5, 8-12 (APSD)

Alagari ninyo ang Ginoo nga adunay pagtahod... Bulahan kadtong mga tawo nga nagdangop sa Ginoo

Nganong nagkunsabo man ang mga nasod ug nagplano ug daotan ang katawhan nga dili man kini molampos? Ang ilang mga hari ug mga pangulo nagtigom ug nangandam sa pagpakig-gira sa Ginoo ug sa hari nga iyang pinili. Nag-ingon sila, “Dili kita magpailalom o magpasakop kanila.” Apan ang ilang mga plano gikataw-an ug gibiay-biay lang sa Ginoo nga naglingkod sa iyang trono didto sa langit. Sa iyang kapungot, gipasidan-an niya sila ug nangahadlok sila. Pangayo kanako, ug ihatag ko kanimo ang mga nasod sa tibuok kalibotan aron imong panag-iyahon. Imo silang gamhan, ug wala gayod kanilay makabatok sa imong pagdumala. Mahisama sila sa kolon nga imong dugmokon.” Busa, kamong mga hari ug mga pangulo sa kalibotan, sabta ninyo kining mga pulonga, ug pamatia ninyo ang mga pasidaan batok kaninyo. Alagari ninyo ang Ginoo nga adunay pagtahod ug paglipay kamo diha kaniya. Tahora ninyo ang hari nga iyang pinili, kay kon dili, masuko siya, ug diha-diha laglagon kamo niya. Bulahan kadtong mga tawo nga nagdangop sa Ginoo.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.




Mga Salmo 19:1, 7-8, 12-14 (APSD)

Ang kalangitan nagpadayag sa gahom sa Dios... hinloi ako sa mga sala nga wala ko mahibaloi... Tabangi usab ako nga dili makahimo sa mga sala nga tinuyo ug ayaw itugot nga maulipon ako niini

Ang kalangitan nagpadayag sa gahom sa Dios ug nagpakita sa iyang gipanghimo. ... Ang kasugoan sa Ginoo hingpit. Nagpadasig kini sa atong kinabuhi. Ang mga katudloanan sa Ginoo kasaligan ug naghatag ug kaalam sa mga walay alamag. Ang mga tulomanon sa Ginoo husto ug naghatag ug kalipay. Ang mga sugo sa Ginoo klaro ug naglamdag sa huna-huna sa tawo. ... Usahay dili mahibaloan sa tawo nga nakasala siya. Busa, Ginoo, hinloi ako sa mga sala nga wala ko mahibaloi! Tabangi usab ako nga dili makahimo sa mga sala nga tinuyo ug ayaw itugot nga maulipon ako niini, aron walay ikasaway sa akong pagkinabuhi ug malikay ako sa daghang matang sa pagpakasala. Hinaut pa nga ang mogawas nga mga pulong ug ang akong mga gipanghuna-huna makalipay kanimo, Ginoo, nga akong salipdanan nga bato ug manluluwas.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Mga Salmo 27:1, 4-6, 8-10, 14 (APSD)

Ang Ginoo mao ang akong kahayag, manluluwas, ug tigpanalipod, busa wala akoy angayng kahadlokan... Pagpakalig-on kamo ug ayaw pagpakawala ug paglaom

Ang Ginoo mao ang akong kahayag, manluluwas, ug tigpanalipod, busa wala akoy angayng kahadlokan. ... Usa ra ka butang ang akong gipangayo sa Ginoo ug mao gayod kini ang akong gihandom pag-ayo: nga makapuyo ako sa iyang balay sa tibuok kong kinabuhi, ug didto makapamalandong ako sa iyang kaayo ug makapangayo sa iyang paggiya. Kay sa panahon sa katalagman tagoan niya ako ug panalipdan diha sa iyang templo. Ipahimutang niya ako sa dapit diin luwas ako sa katalagman. Busa magmadaogon ako batok sa akong mga kaaway nga naglibot kanako, ug maghalad ako sa Templo sa Ginoo nga adunay paghugyaw sa kalipay. Mag-awit ako kaniya! ... Miingon ka nga modangop ako kanimo, busa midangop ako kanimo, Ginoo. Ayaw pagtago gikan kanako. Ayaw ako isalikway tungod sa imong kasuko kanako, nga imong sulugoon. Ikaw ang nagtabang kanako, busa ayaw ako pasagdi o isalikway, O Dios nga akong manluluwas. Bisan pa ug isalikway ako sa akong amahan ug inahan, atimanon mo gihapon ako, Ginoo. ... Salig kamo sa Ginoo! Pagpakalig-on kamo ug ayaw pagpakawala ug paglaom. Salig lang kamo sa Ginoo!

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Nagdahunog ang tingog sa Ginoo, ang gamhanang Dios... Gilig-on sa Ginoo ang iyang katawhan ug gihatagan ug maayong kahimtang

Dayega ninyo ang iyang pagkagamhanan. Simbaha ninyo siya sa dihang ipadayag niya ang iyang balaang presensya. Nagdahunog ang tingog sa Ginoo, ang gamhanang Dios, ug madunggan kini diha sa kadagatan. ... Ang tingog sa Ginoo makapakilat ug makapatay-og sa kamingawan, bisan pa ang kamingawan sa Kadesh. Ang tingog sa Ginoo makapaanak sa mananap nga usa ug makapataktak sa mga dahon sa kahoy. Ug sa iyang Templo nagsinggit ang tanan, "Gamhanan ang Dios!" Ang Ginoo ang nagmando sa mga baha. Nagmando siya ingon nga hari sa walay kataposan. Gilig-on sa Ginoo ang iyang katawhan ug gihatagan ug maayong kahimtang.



Marcos 9:23-26, 29; 1:27 (APSD)

Nagtuo ako, apan kulang pa. Dugangi ang akong pagtuo... Kadto nga matang sa daotan nga espiritu mahinginlan lang pinaagi sa pag-ampo

Miingon si Jesus kaniya, “Nganong miingon ka nga kon aduna akoy mahimo? Ang tanan mahimo alang sa tawo nga adunay pagtuo sa Dios!” Ug mitubag dayon ang amahan sa bata, “Nagtuo ako, apan kulang pa. Dugangi ang akong pagtuo.” Pagkakita ni Jesus nga nanugok na ang mga tawo padulong kanila, gimandoan niya ang daotan nga espiritu, “Ikaw nga espiritu nga maoy nagpaamang ug nagpabungol sa bata, mandoan ka nako nga mogawas ug ayaw na gayod pagbalik kaniya!” Misinggit ang daotan nga espiritu ug gipakurog niya pag-ayo ang bata ug unya migawas siya. ... Mitubag siya kanila, “Kadto nga matang sa daotan nga espiritu mahinginlan lang pinaagi sa pag-ampo.” ... Natingala gayod ang mga tawo didto, busa miingon sila, “Unsa kini? Bag-o kini nga pagtulon-an. Bisan ang mga daotang espiritu namandoan niya ug mituman kaniya.”

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Mga Salmo 22:1, 16-18, 26, 29, 31 (APSD)

Ang mga nagdangop kanimo magdayeg kanimo. Hinaut pa nga magmauswagon ang ilang mga kinabuhi

Dios ko, Dios ko, nganong gipasagdan mo ako? Nganong layo ka man kanako? Nag-agulo na ako sa pag-antos, apan wala mo pa gihapon ako tabangi. ... Gilibotan ako sa daotang mga tawo nga daw sa mga iro nga mialirong kanako. Gihambat nila ang akong mga kamot ug mga tiil. Nanggawas na ang akong mga bukog, ug gitutokan lang nila ako. Gibahin-bahin nila ang akong mga bisti pinaagi sa hulbot-hulbot. ... Dapiton ko ang mga kabos sa pagkaon ug mangabusog sila. Ang mga nagdangop kanimo magdayeg kanimo. Hinaut pa nga magmauswagon ang ilang mga kinabuhi. ... Mosimba gayod kanimo ang tanang mga adunahan sa kalibotan. Apil ang tanang mga tawo nga hapit nang mamatay moyukbo kanimo. Ug bisan kadtong nangamatay na, ... Silang wala pa mangatawo suginlan unya nga giluwat mo ang imong katawhan. Ug ikaw gayod mismo ang mihimo niini.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Awit sa mga Awit 8:6-7; 2:15-16 (APSD)

**Tipigan mo ako kanunay diha
sa imong kasing-kasing... sama
nga ang lubnganan dili
mapugngan sa pagdawat sa
mga patay, dili usab
mapugngan ang kainit sa
pagbati**

Tipigan mo ako kanunay diha sa imong kasing-
kasing sama sa singsing nga anaa kanunay sa
imong tudlo. Ipakita nga ako lamang gayod ang
imong gihigugma. Ug sama nga ang lubnganan dili
mapugngan sa pagdawat sa mga patay, dili usab
mapugngan ang kainit sa pagbati. Dili kini
mapalong bisan sa daghang tubig. Bisag bahaan
pa kini, dili gihapon kini mapalong. Dili kini
mapalit bisag ibayad pa sa tawo ang tanan niyang
bahandi. ... Dali! Dakpa ang gagmayng ihalas nga
mga iro, nga gapangdaot sa among namulak nga
ubasan. Akoa ang akong hinigugma ug ako iyaha
usab. Gipasabsab niya ang iyang kahayopan diha
sa mga liryohan.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Ang Ginoo maayo sa mga naglaom ug nagdangop kaniya

nga ang gugma ug kaluoy sa Ginoo walay kataposan. Mao kana nga wala kita malaglag sa hingpit. Matinumanon gayod ang Ginoo. Gipakita niya ang iyang kaluoy matag adlaw. ... Ang Ginoo maayo sa mga naglaom ug nagdangop kaniya. Maayo nga maghulat kita nga mapailubon sa kaluwasan nga ihatag sa Ginoo kanato. ... Kon gidisiplina kita sa Ginoo, manglingkod kita nga mag-inusara ug mamalandong. Magpaubos kita sa atong kaugalingon atubangan sa Ginoo, ug dili magpakawala sa paglaom. ... Bisan tuod hatagan niya kitag mga kalisod, kaloy-an gihapon niya kita tungod sa iyang dako ug matinud-anong gugma.

Spiritual Warfare Cards.com



Oseas 2:2, 13, 14, 19-20; 6:6 (APSD)

**Ingna ninyo siya nga undangon
na ang iyang pagpamiga... ilhon
ninyo ako nga Ginoo... dili ang
inyong mga halad ang akong
gusto kondili ang inyong gugma**

“Mga anak, badlonga ninyo ang inyong inahan kay dili ko na siya asawa, ug dili na niya ako bana. Ingna ninyo siya nga undangon na ang iyang pagpamiga. ... Silotan ko siya tungod sa mga higayon nga nagsunog siyag insenso isip halad ngadto sa mga imahen ni Baal. Nagsul-ob siya ug mga alahas ug migukod sa iyang mga laki, apan ako gikalimtan niya,” miingon ang Ginoo niini. ... Wala niya huna-hunaa nga ako ang naghatag kaniya sa mga lugas, duga sa ubas, lana, ug sa daghang mga plata ug mga bulawan nga gigamit nila nga imahen ni Baal. ... “Karon, danihon ko siya ug dad-on sa kamingawan ug pangulitawhan pag-usab. ... Ilhon ko kamong akong asawa hangtod sa kahangtoran. Buhaton ko diha kaninyo ang matarong ug husto. Higugmaon ko kamo ug kaloy-an. Magmatinud-anon ako kaninyo, ug ilhon ninyo ako nga Ginoo.” ... Kay dili ang inyong mga halad ang akong gusto kondili ang inyong gugma. Mas gusto ko pa nga ilhon ninyo ako kaysa maghalad kamo ug mga halad nga sinunog.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Amos 5:21-24 (APSD)

Patunhaya hinuon ninyo sa kanunay ang hustisya ug ang katarong sama sa suba nga walay undang sa pagdagayday

Miingon ang Ginoo sa mga Israelinhon,
“Gikapungtan ko ang inyong mga pista; wala
gayod ako malipay nianang inyong gihimong
panagtigom. Bisan pag dad-an ninyo akog
mga halad nga sinunog, dili ko kana
dawat. Ug dili ko usab hatagag pagtagad
bisan ang labing maayo ninyong mga halad
alang sa maayong relasyon kanako. Undangi
ninyo ang kasaba sa inyong mga awit! Dili
ako gustong mamati sa sonata sa inyong
mga harpa! Patunhaya hinuon ninyo sa
kanunay ang hustisya ug ang katarong sama
sa suba nga walay undang sa pagdagayday.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.




Sofonias 1:14-15; 3:17 (APSD)

**Adlaw sa kasamok ug
pagkalumpag... Ang Ginoo
nga imong Dios kauban
nimo. Ang Gamhanang
Manggugubat nga moluwas...
maglipay diha kanimo uban
sa pag-awit**

Haduol na ang makalilisang nga adlaw sa Ginoo. Haduol na sa hilabihan ug mapait ang hilak sa adlaw sa Ginoo, bisan pa ang gamhanang manggugubat magsinggit aron mangayo ug tabang. Kana nga adlaw mao ang adlaw sa kapungot, adlaw sa kasakit ug paghigwaos, adlaw sa kasamok ug pagkalumpag, adlaw sa kangitngit ug kaguol, adlaw sa mga panganod ug kangitngit, ... Ang Ginoo nga imong Dios kauban nimo. Ang Gamhanang Manggugubat nga moluwas. Siya magbaton ug kalipay diha nimo; diha sa iyang gugma dili kana niya badlongon apan maglipay diha kanimo uban sa pag-awit.

Spiritual Warfare Cards.com

Ang Pulong sa Dios • CC BY-SA 4.0 • Biblica, Inc.



Ang kayutaan dili na mohatag sa iyang pagkaon... ako maglipay diha sa Ginoo, magsalipayon ako diha sa Dios nga akong Manluluwas

Nakadungog ako ug ang kasing-kasing ko naglagubo, ang akong mga ngabil mikurog sa tingog niini. Kadaut miabot sa akong mga bukog, ug ang akong mga tuhod miuyog, Apan ako magpaabot sa adlaw sa katalagman sa nasod nga misakop kanamo. Bisan kung ang kahoyng igera dili na mamulak, ug wala nay ubas sa kaparasan, bisan kon ang abot sa olibo mapakyas ug ang kayutaan dili na mohatag sa iyang pagkaon, bisan kon wala nay karnero diha sa toril, ug wala nay baka sa iyang butanganan, Apan ako maglipay diha sa Ginoo, magsalipayon ako diha sa Dios nga akong Manluluwas. Ang Ginoong Dios mao ang akong kusog; gihimo niya ang akong mga tiil sama sa tiil sa lagsaw, gisangkapan niya ako aron makayatak sa mga habog nga dapit.

